



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 78 (16689)

2003 чылдың
ИЮЛЬ 8,
вторник

Ат салган шагы 18.15
Садар өртээ 3 рубль.



СӨӨЛГҮ ШАКТА

◆ Эрткен субботада Москваның Тушино аэропортуна «Крылья» деп рок-фестиваль бооп турар үеде частыр чүүлдер куржанып алган ийи херэежен удаа-дараа ийи террорисчи чазылдырышкынны кылган. Амга чедир өлгөн кижилерниң саны будулчак, саннар карышкак бооп турар. 20 азы 17 кижиге өлгөн деп, медээлер кээп турар. Балыг-бышкынга таварышканнарны саны база орта билдинмес. Частышкын болган черден чечен Залихан Хаджиеваның паспорту тывылган. Ол эрткен чылын-на бажыңдан дезип чоруткан (дээрбечилер оорлап аппараттар деп-даа турар), дээрбечилер отрядыга белеткел эрткен деп дыңнадып турар. Москваның мэри Ю Лужковтуң дыннатканын езугаар алырга, террористер аэропортка 40 муң кижиге концерт көрүп орган шөлге кирип шыдавай, чазылдырышкынны кирер эжик чоогунга чазылдырган бооп турар. Вир эвес чазылдырышкынны шөлге кылган болза, өлүм-чидимге муң-муң кижиге таваржып болуру илдендир.

◆ Чечняның Новогрозненский районга дайынчы өөредилге кылыры-биле ужуп үнүп чыткан МИ-8 вертолет чуура дүшкөн. 2 дайынчы өлгөн, 11 кижиге балыгланган. Вертолет техниктиг үрелик байдалга турганы илерээн.

◆ Президент В.Путинниң Чарлыын езугаар Чечен Республикага президент сонгулда-

лары бо чылдың октябрь 5-те эртер. Республиканың амгы удрутукчузу Ахмад Кадыров кол кордакчы бооп турар.

◆ Кемерово областың Прокофьевск районда шахтага ханалар буступ батканын 3 кижиге өлгөн. Чылдагаанын тодарадып турар.

◆ «Юкос» дээр РФ-те эң бай компанияның чингине директору Михаил Ходорковскийни тудуп, байысаалга соонда ону чандырыпкаш, ол компанияның өске бир улуг дүжүмеди Платон Лебедеви туткаш, байысаап эгелээн. Олар саң-хөө бузуруп будаан кефирлиг бооп турар.

◆ РФ-тиң Онза байдалдар болгаш бойдус халаптарының уржуктарын чайладыр яамызының сайыды Сергей Шойгу төп телевидениениң корреспондентизиниң айтырыгларына харылап тура, яамының төп аппаратадын 50 хуу кызыгарын дыңнаткан. Херек кырында бөгүнге чедир 16 полкту кызырган. Водунун оралакчызы генерал Ганиевке хамаарышкан айтырыга мынча деп харылаан: «Генералды буруудайып турар бүгү айтырыглар яамының ажилчорудулгазынга хамаарышпай турар».

◆ РФ-тиң Президентизи В.Путин Тушино аэропортка рок-фестиваль үезинде өлгөннерниң өг-бүлелеринге ханы кажыдалды илереткен. Узбекистан, Малайзия баар дээн албанчоруктарын сонгаарлаткан.

(АГЕНТИЛЕЛДЕР МЕДЭЭЛЕРИНДЕН).

Делегейниң бешки дуриг хөгжүм фестивалы «Үстүү-Хүрээ»

ЧАДААНА ХЕМ ЭРИИНГЕ...



Июль 3-6 хуннеринде Чадаана хем эринде ногаан ортулукка делегей чергелиг «Үстүү-Хүрээ» фестивалы болуп эрткен. Анаа Тываның хөгжүмчүлеринден ангыда, Англиядан, Америкадан, Финляндиядан, Германиядан, Норвегиядан, Япониядан аалчылар болгаш Сибирьниң Красноярск, Новосибирск хоорайларындан база Санкт-Петербург болгаш Москвадан хөгжүмге ынактар киришкен. Онзалап демделексенчиг чүүл чүл дээрге, чылдан чылче «Үстүү-Хүрээ» фестивалының киржикчилериниң-даа, аалчыларының-даа саны көвүдөп ораы. Кайда-чүде Японияда улуг банкир кижиге сарыг шажын чүдүкчүлериниң хөгжүм фестивалы Тывада болуп турарын дыңнааш, деткиччилеп, ачыбуянын көргүзүп, чангыс черчурттугларын кириштирип чорудуп турары дээрге, найралдын, чүдүлгениң, ыры-хөгжүмнүң сорунзазының күштүүнүң бадыткалы ышкажыл.

Чадаана хоорайда «Мортрей» хүрээзинге мөргүл соонда,

фестивальдың киржикчилериниң байырлыг чыскаалы эгелээн. Янзы-бүрү национал идик-хевин кеткен, боттарының национал хөгжүм херекселдерин ойнавышаан, кайы чурттан келген адресин улгаттыр бижээш, чыскаалда басып орав фестивалчылар сүрлүг-чараш, чоргааранчыг чорду. Делегейге тайбың турда, ак-көк дээр чайнап, алдын хүн чырып-ла турар болза, ыршоорлуг кижиге төлдери кайы-даа чуртка мындыг чоргаар болгаш чараш болур дээрзин бо чыскаал бадыткап турду.

Кезек болгаш-ла кудумчуларга доктаап, фестивальдың өмүнээзинден байыр чедиришкени чангыланып, кайы-бир бөлүк оюн-тоглаа, концертин баралгадып турду. Чадаанажыларның улуг ынакшылын болгаш хүндүткелин чаалап алган «Октай» ансамблин үр-ле салбайн, ам-даа ырлажырын дилеп, динмиттиг адыш каскаашкынарбиле үдеп турдулар. «Чараш үнүгү чадаган – саарлып бат-ла, Чадаана. Чангыланган аялга – са-

рыым чурту Чадаана» деп атсурагыл Мөрген-Херел Монгуштуң ырызын октайжылар тывалап саат чокка бадырага, бүгү Чадаана кады ырлажып турду.

Тываның чоргааралы аас чогаал бөлүктери «Чиргилчин», «Алаш», «Тыва кызы», «Чангы-Хая» болгаш өске-даа ансамблдер байырлыг чыскаалдың мурнуку одуруунга чоруп, мөөрейге эки кирип, Тываның адын төлөпти-биле камгалааннар. Ылангыч дээди шаңнал Гранприни алган Тыва Республиканың национал оркестриниң оюнун бо удаада чыылган бүгү чон магадаанын онзалап демделгелес аргажак.

Фестивальдың эрткениниң дугайында дараазында «Шындан» номчуур силер, хүндүлүг номчукчу.

Светлана БАЛЧЫР.

ЧУРУКТА: «Тыва кызы» аас чогаал бөлүү «Үстүү-Хүрээде» деп Василий Балчий-оолдун фотомонтажы.

Чемпионнар чурту

Тываның кикбоксерлары делегей болгаш Россия маргылдааларына техниктиг күштүү, бедик тура-соруктуу-биле шагдала алдаржып эгелей берген. Аяс Соян тыва спортчулардан бир дугаар 7 чыл бурунгаар маргылдаага түңнел оюнда, ээгизи сынган тургаш-ла, делегей чемпиону атка четкен. Россияның кикбоксингиге шилдек командазының кол тренери, спорттун алдарлыг мастери, Россияның алдарлыг тренери, делегейниң 9 дакпыр, Европаның 2 дакпыр чемпиону Алмаз Гисмеевтиң удуртулгазы-биле Заполярениң найысылалы Мурманскиде чурттап бол-

гаш маргылдааларга белеткенип турар тыва оолдар Эрес Сарылар, Багыр Монгуш, Спартак Лопсаней, Аян Ховалыг, Эртине Куулар амгы үеде делегей чергелиг чедишкенини чедип ап турар.

Делегейниң эң шылгараңгай кикбоксеру Алмаз Гисмеев республикада болгаш Россияда спорттуң сайзырап турарына өөрүп четтирбишаан, ТР-ниң Чазак Даргазы Ш.Д. Ооржакка суй белекти тывыскаш, кадыкшылды, ажил-ижинге чедишкенини болгаш тыва чуртунга келир үениң чемпионону моон-даа сонгаар өзүп көвүдээрин күзээ.

Чойганмаа САТ.

ДЫҢНАДЫГ

Тыва Республиканың Улуг Хуралының Төлээлекчилер палатазының ээлчег чок хуралы 2003 чылдың июль 9-та 9.00 шакта Тыва Республиканың Чазааның хуралдаар залына болуп. Бүрүткээри 8.00 шакта эгелээр.

Хун айтырыгы:

1. «Тыва Республиканың Улуг Хуралының Төлээлекчилер палатазының депутаттарын сонгуурунун дугайында» Тыва Республиканың Хоойлузунун дугайында.
2. «Тыва Республиканың Улуг Хуралының Хоойлуужудулга палатазының депутаттарын сонгуурунун дугайында» Тыва Республиканың Хоойлузунун дугайында.
3. Өске-даа айтырыглар.

ПАРОМГА УЖУРАЖЫЫШКЫННАР



1. Боду — мөге, аьды — чүгүрүк

Улуг-Хем кожууннун ол чары, кышкы айларны сана-васка, төптөн үзүктөлчөк дивис-кээрлик. Ол дээрге чер, мал ажылын хөгжүдөргө таарымчалыг Эйлиг-Хем, Буура-Тайга, Эжжим, өске-даа делгемнер. Ук булунга өскөн төл экер-эрес болуп турар. Чер, мал ажылы база ында продуктулуг. Бис бо удаада паромга чүгүрүк аьттыг "Турза — бедик, тутса — мөге" Саглай Дакры-оол-биле ужуражып таныштырды.

— Серге кадарчызы мен. "Эйлиг-Хем" күрүне каттышкан бүдүрүлгенин малынын бажы өзүп тур. Улуг аьыл-аьгыйның бут кырынга туруп келгени чоннун, ылаңгыя малчыннар-

ның, чылдың дөрт ээлчээнде одар солуп, доктаамал көжүп чоруурунда—деп, ол чугаалады.

Чугаалажы-чугаалажы кээривиске, аныяк-даа болза, ооң мал ажылында он бир чыл аьыл-дапканын ханы сонуургадым.

— 15 харлымда-ла кадарчылап эгеледим — диди.

Күш-ажылче эрте киргени сонуурганчыг болбайн канчаар. Ылаңгыя чугаакыры, адаан-мөөрейлиг чижилгеге идепкейлиг киржилгези-биле чамдык аныяк эрлерден ылаңдыг чорду. Чүглө бодун бодавас хире. Чарышка салыр "хыл дег кылдыр соодуп каан" чинге доруг аьды-биле чараш хүрең аьтты ол чедип алган. Төрелинч чарыштырыксааны тулган чүгүрүктү кады ап алганы ужурлуг. Эйлиг-Хемниң чарыш аьттары ко-

жууннун аьттары-биле чаржыр. Аңаа шылгарааннарны республика аьттарының иштинге чарыштырар.

— Улуг-Хем кожууннун мөге хүрежинге база хүрежир мен—деп, Саглай Дакры-оол чугаалады.

Ынчан кожууннар аразының "Улуг-Хем" солуннун баштайгы дугаарының чырыкче үнгенин 25 чылынның байырлалы чоруп турган. Солуннун езулалы оюнтоглаа, спортчу маргылдаалар-биле ынчан демдеглеттинген. Саглай Дакры-оол хүрешкен, ооң аьды чарышка киришкен. Эрнин деңзизин айтырарымга, "тозан килдиг мен" — деп харыылаан. Ийи метр чыгам дурт-сынның аныяк кадарчының барааны баскетбол ойнакчызы дег көстүр

чорду. Ол хире делгем болгаш чаагай эр-биле хүрежири солун, төөгүлүг болуру чугаажок.

2. Мага-ботту дадыктырарга...

Бис чоруп турар үевисте паром башкарыкчылары аьыр-соксаал чок аьылдап турган. Ол аьылдакчыларның кайы хире аьылдап турарын Эйлиг-Хем суурда хонаш-турлагарда кижилерден айтырган мен. Оларның демдеглээни болза "Багай эвес аьылдыг эрлер", "Хүндүс-даа, дүне-даа келиринге, паромчулар кажан-даа чажам дивес". "Чырык турда келирге, төлевир чокка кежирер, караңгыда аьылдаарга, харыисалга улуг, далашкан кижичаыңын (хөлезизин) төлээр. Ынчанмайн канчаар, дүнеки шактар дээрге камгалал, тускай белекел-биле долдунган".

— Паромчуларның бирээзи Володя дээр эрнин сугга шымныры угжок, дөрт минута дургузунда хем дүвүнге "чиде" бээр — деп, чогаалчы Монгуш Өлчей-оолдун "Хөөрээрниң чугааларында" маадырларзыг эр

каттыргылаан.

Медицина аьылдакчыларының тайылбыры-биле алырга, кижича беш минута дургузунда тынмайн баар болза, "аьдының бажы хоа бээр". Тибет эмнелге, йог мергелгелерниң ужуру мырыңай тоолзуг. Кижиниң мага-бодунун агаар хереглээр харыкшинэн беш минута туржук, оон-даа хөй үе, чамдыкта харын-даа чартык шак чедир тынышкын чокка көдүрүп болур. "Хөөрээрлерниң чугаалары" анаа эвес, бир ужурлуг. Мен Улуг-Хемни кежер паромда "суг иштинге 4 минута чиде бээр" Владимир Даспак-биле ужураштым.

— Ийи минута хиреде суг иштинге үргүлчүлөл чокка шымныптар мен — деп, ол сонуургатты.

Мен бодаарымга, ийи минута дургузунда дажыг хем иштинче кирери оюн эвес. Ол туржук соок сугже бут сугары безин дидиренчиг. Бир эвес белекел бар болза, ында маргыш чок, бедикте хере тыртып каан демир удазыннарны оскал-оолдар кырлай самнап турган-на болгай. Мага-ботту дадыктырар болза, кымда-даа харык-шинең эгээртинмес. Ынчангаш аьмыдырал-чуртталга солун, хандылыг.

"Эйлиг-Хем" күрүне каттышкан бүдүрүлгениң серге кадарчызы Саглай Дакры-оол аьыл-аьгыйның удуртулгасы-биле чарып алган керээзин күүседип турар. Бо чылдың баштайгы чартында ооң кадарганы бир кодан серге чылды сол-менди ашкан. Кышкы, часкы одар-белчири ол билдилги аьжылаан. Бир баштан-на серге дүгү база чаагай болганын күрүне каттышкан бүдүрүлгезинден билеп алган бис.

Аралчор ОКСУР.

ЧУРУКТАРДА: Саглай Дакры-оол чүгүрүк аьды-биле; эрик кыдыы шыкта; паромчу алышкылар улуг шпикер Партизан Даспак; шпикер Владимир Даспак олар аьыл үезинде.

Василий БАЛЧЫЙ-ООЛ
ДУҢ тырттырган чуруктары.



17 чыл эрткенде

Эрткен дыштаныр хүннерде Тываның Чурукчулар эвилелинге түрк дылдыг чоннарның культуразы-биле таныжар сорулгалыг делегей чергелиг экспедицияның киржикчилери чораан. Аалчылар тыва чурукчуларның чогаалдыкчы аьылдары-биле танышкан.

Голландия, Бельгия, Дания, Башкирия, Казахстан, Кыргызстандан база Москва, Новосибирск, Абакан хоорайлардан чурукчуларның удуртукчузу Киргизиядан Гульнара Юмаше-

ваның кады өөренип чораан өңнүү, Тываның Чурукчулар эвилелинч даргазы Александр Ойдупка, 17 чыл эрткенде, ужуражы бергени чыылганнарны аажок өөрткен.

Аалчылар найысылалдын Цеченлинг хүрээзи, Азия төвү обелиск дээш, өске-даа черлерин сонуургап көргөн. Абакан—Кызыл—Ак-Довурак—Абазага чедер экспедицияның кежигүннери дараазында чылын аьылдарының делгелгезин эрттирер.

30 хардан өрү

Июль 11-12 хүннеринде Кы-

зыл хоорайга Тываның херээженнер шимчээшкининиң 75 чылын база Херээженнер эвилелиниң тургустунганындан бээр 10 чыл оюн таварыштыр республиканың херээжен чонунун спартакиадазы болуп эртер.

Спартакиаданың киржикчилери хол бөмбүү, шашки, чиик атлетика, стол тенниси база уран көрүлдөгө күжүн шенежир. Школады, аныяк херээжен улус аразында маргылдаалар доктаамал болуп турарын барымдаалааш, бо чылгы херээженнер спартакиадазынга 30 хардан өрү

херээжен улус киржирин дугурушкан.

Чойганмаа САТ.

Мөңгүн-Тайга шыпшыынче

Алдан-маадырларның тура халышкынының 120 чыл оюнга тураскааткан республика чергелиг хемчелерниң бирээзи — эртем-практиктиг конференция Суг-Аксынга июнь 20-де эрткен. Ооң дараазында Сүт-Хөл кожуун

Кысказы-биле

чагыргазы-биле республиканың "Альпинистер" клубу алдан-маадырларның болгаш Сүт-Хөл кожууннун ыдыкшылдарын Тываның эң бедии — Мөңгүн-Тайга шыпшыынга үндүрери-биле июль 15-20 хүннеринде үнүшкүңнү боттандылар деп шийтпирлээнер. Аңаа чүглө "Альпинистер" клубунун даг үнүкчүлери эвес, республика иштинден өске-даа даг үнүкчүлери киржип болур.

Маадыр-оол ХОВАЛЬГ.

